

"মিষ্টি বাচ্চারা - তোমাদের হৃদয়-দর্পণে দেখ, সেখানে কোনও অশুভ শক্তি নেই তো, অশুভ শক্তিকে সরিয়ে দেওয়ার অধ্যবসায় চাই"

প্রশ্নঃ - সঙ্গমযুগে বাবা আর বাচ্চাদের মধ্যে দুনিয়ার সবকিছু থেকে একদম আলাদা কোন রীতি বিদ্যমান ?

উত্তরঃ - দুনিয়ায়, বাচ্চারা বাবাকে নমস্কার জানায় কিন্তু এখানে বাবা বাচ্চাদের নমস্কার জানান। বাবা নিজে বলেন, মিষ্টি বাচ্চারা, আমি তোমাদের সেবায় হাজির হয়েছি, তাইতো তোমরা বাচ্চারা আমার থেকেও অধিক শ্রেষ্ঠ। দ্বিতীয়তঃ আমি নিরহংকারী, নিরাকার বাবা, তাইতো আমিই প্রথম নমস্কার জানাব। সঙ্গমের এটাই সবকিছু থেকে একেবারে পৃথক রীতি।

ওম্ শান্তি। বাবা যখন প্রথম আসেন, বাবা বাচ্চাদের নমস্কার করবেন নাকি বাচ্চাদের উচিত বাবাকে নমস্কার করা? (বাচ্চাদের বাবাকে করা উচিত) না। প্রথমে বাবাকে বাচ্চাদের করতে হবে। সঙ্গমযুগের রীতি-রেওয়াজ সবকিছু থেকে সম্পূর্ণ আলাদা। বাবা নিজে বলেন, আমি সকলের পিতা, তোমাদের সেবায় হাজির হয়েছি; সুতরাং, বাচ্চারা নিশ্চয়ই অনুপম (সবচেয়ে উৎকৃষ্ট) হবে। দুনিয়ায় বাচ্চারা বাবাকে নমস্কার করে, এখানে বাবা বাচ্চাদের নমস্কার জানান। তাঁকে নিরাকার, নিরহংকারী জ্ঞানে স্মরণ করা হয় তাই তাঁকে সেইরকমই প্রদর্শন করতে হয়। মানুষ গিয়ে সন্ন্যাসীদের পায়ে পড়ে, এমনকি তারা তাদের পায়ে চুষনও করে, কিন্তু তারা কিছু বোঝেনা। প্রত্যেক কল্পের পরে বাবা বাচ্চাদের সাথে মিলিত হতে আসেন। তোমরা বাবার হারানিধি (সিকিলধে) বাচ্চা! সেইজন্য বাবা বলেন, মিষ্টি বাচ্চারা, তোমরা ক্লান্ত হয়েছ। ভগবান দ্রৌপদীর পদসেবা করেছিলেন, তাই তিনি সার্ভেন্ট হলেন তাই না! "বন্দে মাতরম্" কে বলেছিলেন? বাবা। বাচ্চারা বোঝে, বাবা এসেছেন, সারা সৃষ্টিতে বেহদের সেবা দিতে। সৃষ্টিতে কতো জঞ্জাল! এ হলো নরক। তাই বাবাকে আসতে হয় নরককে স্বর্গ বানাতে। হৃদয়ভরে তিনি পরিপূর্ণ ভালোবাসা নিয়ে আসেন। তিনি জানেন, তাঁকে তোমাদের অর্থাৎ বাচ্চাদের সেবাতে আসতেই হবে। প্রত্যেক কল্পে তিনি তোমাদের সেবার জন্য আসেন। তিনি এখানে এসে বসলে সবার সেবা হয়। এইরকম নয় যে, তাঁকে সবার কাছে যেতে হবে। একমাত্র তিনিই সৃষ্টির কল্যাণকারী দাতা। বাবা যা করেছেন সেইরকম কোনও সেবা মানুষ করতে পারেনা যেটা তার সেবার সাথে তুলনা করা যায়। তাঁর সেবা বেহদের।

গীতঃ- জাগো সজনীরা জাগো! নতুন দিনের উষার আলো দেখা যাচ্ছে

কত সুন্দর এই গান। নবযুগ সম্বন্ধেও তোমাদের বোঝানো উচিত। যুগ হলো ভারতবাসীদের জন্য। সর্বত্র মানুষ ভারতবাসীদের থেকে শোনে যে অতীতে সত্য, ত্রেতাযুগ বিদ্যমান ছিল, কারণ তারা যে দ্বাপর যুগে এসেছিলো। তারা অন্যদের থেকে শোনে যে ভারত প্রাচীন দেশ ছিলো যেখানে দেবী-দেবতারাজ্য শাসন করতেন। আদি সনাতন দেবী-দেবতা ধর্ম ছিল এখন যার কোনও অস্তিত্ব নেই। গীতা দেবী-দেবতা ধর্মের মাতাপিতা; অন্য সব ধর্ম পরে আসে। সুতরাং, সবার মধ্যে এই ধর্মই হলো সবচেয়ে প্রাচীন। বাস্তবে, গীতা মুখ্য ধর্মশাস্ত্র, যা সকলের মানা উচিত। যেমনই হোক, তারা এটা বিশ্বাস করেনা; তারা শুধুমাত্র তাদের নিজেদের ধর্মের শাস্ত্রে বিশ্বাস করে। এমনকি তারা

জানেওনা ভগবান কখন গীতা বলেছিলেন । গীতা বাবার বলা । শাস্ত্রে বাবার বদলে বাচ্চার নাম উল্লেখ করায় সমস্যার সৃষ্টি হয়েছে আর সেই কারণে তারা বোঝাতে পারেনা কখন শিবরাত্রি উদযাপন করা উচিত । শিব জয়ন্তীর পরে কৃষ্ণ জয়ন্তী । কখনও শ্রীকৃষ্ণের যজ্ঞের স্মরণ হয় না । রুদ্র জ্ঞান যজ্ঞের গায়ন হয় । তার থেকেই বিনাশজ্বালা প্রজ্জ্বলিত হয়, এখন তোমরা যথার্থই তা' দেখতে পাচ্ছ । আদি সনাতন দেবী-দেবতা ধর্মের আবারও স্থাপনা হচ্ছে সুতরাং, এখানে অসংখ্য ধর্মের আর কোনও অস্তিত্ব থাকবেনা । কৃষ্ণও তখনই আসবে যখন অন্যান্য ধর্মের অবসান হবে । বাকি সব আত্মারা মুক্তিধামে থাকবে । ভগবানের সাথে সবাইকে মিলিত হতে হবে, তাই না ! প্রত্যেকে বাবাকে সেলাম জানাবে । বাবা সমস্ত বাচ্চাদের সেলাম করেন আর তারপরে বাচ্চারাও বাবাকে সেলাম করবে । এই সময় বাবা এখানে সাকারে এসেছেন । এখানে সব আত্মারা বাবার সাথে মিলিত হতে পারবেনা কেননা বহু কোটির মধ্য থেকে কয়েকজনই আসতে পারবে । তাহলে সমগ্র ভক্তরা কোথায় এবং কখন বাবার সাথে মিলিত হবে ? যেখানে তারা ভগবানের থেকে আলাদা হয়েছিল, সেখানে গিয়ে তারা মিলিত হবে । ভগবানের নিবাস স্থলই পরমধাম । বাবা বলেন, তোমাদের বাচ্চাদের সবাইকে দুঃখ থেকে লিবারেইট করে তোমাদের পরমধামে নিয়ে যাই । এই কাজ একমাত্র তাঁর একার । বাবাকে আসতেই হবে পতিত দুনিয়াকে পবিত্র বানাতে । তিনি হেভেনলি গড় ফাদার, সুতরাং, তিনি নিশ্চয়ই হেভেন ক্রিয়েট করবেন তাই -না ! রাবণ নরকের স্থাপনা করে, বাবা করেন স্বর্গের স্থাপনা । তাঁর রাইট নাম শিব, বিন্দু । আত্মাও বিন্দু, ক্রকুটির মাঝে এতটুকু, অতি ক্ষুদ্র বিন্দুই থাকতে পারে । সুতরাং, আত্মাও যেমন বিন্দু পরমাত্মাও বিন্দু । তবুও খুবই আশ্চর্যের ! এত ছোট বিন্দুর মধ্যে ৮৪ জন্মের পার্ট ভরা আছে, যা কখনও মুছে যায়না । ফর এভার চলতে থাকে । এইসব অতি গুহ্য ব্যাপার ! মানুষ শান্তি চায়, কারণ সবাই শান্তির মধ্যে যেতে চলেছে । বলা হয়ে থাকে, সুখ কাকবিষ্ঠাসম । গীতায় বলা হয়েছে রাজযোগের মাধ্যমে তোমরা রাজার রাজা হও । তাহলে যারা সুখকে কাকবিষ্ঠার সমান মনে করে তারা কিভাবে রাজত্ব পাবে ? এইসব প্রবৃত্তি মার্গের কথা ; গৃহস্থ ব্যবহারে থেকে তোমাদের কমল ফুল সমান পবিত্র থাকতে হবে । এটা সন্ন্যাসীদের কাজ নয় । যদি তাই হতো তবে তারা নিজেরা ঘর-সংসার ছাড়ত না । তোমরা বলো চ্যারিটি বিগিন্স অ্যাট হোম । শিববাবাও বলেন, আমি প্রথমে এঁনাকে (সাকার ব্রহ্মাবাবা) বোঝাই । ইঁনিই শিববাবার চৈতন্য ঘর । প্রথমে ইঁনি সবকিছু শেখেন তারপরে সমস্ত অ্যাডপ্টেড বাচ্চারা নম্বরভিত্তিক অনুসারে তাঁর মাধ্যমে শেখে । গভীর গুহ্য এই কথা । সদগতি দাতা পতিত-পাবন স্বয়ং এসে এইসব রহস্য বুঝিয়ে দেন । এরকম নয় যে তিনি ওপর থেকে তোমাদের প্রেরণা দেন ; তিনি এখানে এসে ওঁনার কর্তব্য করেন । স্মৃতিচিহ্ন রূপে অনেক শিবমন্দির আছে । তিনি নিজে বলেন, আমি ব্রহ্মার এই সাধারণ তনে আসি । এই ব্রহ্মা নিজেই নিজের জন্ম জানত না, এতে কোনও একের কথা নেই । ব্রহ্মামুখ বংশাবলী তোমরা সব এখানে বসে আছ, তোমরা ব্রাহ্মণেরা ব্রহ্মামুখ দ্বারা রচিত হয়েছে । তিনি একমাত্র তোমাদের অর্থাৎ ব্রাহ্মণদেরই বোঝান । যজ্ঞ সর্বদা ব্রাহ্মণদের দ্বারা চালিত হয় । যারা গীতা শোনায় তাদের কাছে কোনও ব্রাহ্মণ নেই, সুতরাং, সেটা কোনও যজ্ঞ নয় । বেহদের বাবা দ্বারা এই যজ্ঞ রচিত, অনেক বড় এবং গুরুত্বপূর্ণ । বহু বহুদিন ধরে বড় বড় হাঁড়ি আওনে চড়ছে, সেই প্রথা মেনে এখনও ভাঙরা চলেই আসছে । কখন এর সমাপ্তি হবে ? যখন সমগ্র রাজত্বের স্থাপনা হয়ে যাবে । বাবা বলেন, আমি আমার সাথে তোমাদের ঘরে ফিরিয়ে নিয়ে যাবো, তারপরে নম্বরভিত্তিক অনুসারে এক এক করে তোমাদের পার্ট প্লে করার জন্য পার্টিয়ে দেবো । কেউ এমন বলতে পারেনা, আমি তোমাদের গাইড হয়ে আমার সাথে তোমাদের ফিরিয়ে নিয়ে যাবো । পতিত মানুষকে পবিত্র বানিয়ে বাবা সাথে করে নিয়ে যান । তারপরে আত্মারা নীচে নামতে শুরু করে তাদের নিজ নিজ সময়ে

নিজেদের ধর্ম স্থাপনার পাট প্লে করতে । এখন অসংখ্য ধর্মের ছড়াছড়ি, কিন্তু কোনটাই মূল ধর্ম নয় । সকল শাস্ত্রের শিরোমণি গীতা, কেননা গীতা থেকেই প্রত্যেকের মুক্তি এবং জীবনমুক্তির প্রাপ্তি হয় । ভারতবাসীদের মধ্যে জ্ঞান তারাই নেয় যারা ভগবানের থেকে প্রথম আলাদা হয়েছিল । প্রথমে তারা নীচে আসবে তারপরে নশ্বরের ক্রমানুসারে প্রত্যেককে আসতে হবে । তোমাদের সতঃ, রজঃ, তমঃ অবস্থার মধ্যে দিয়েই পাস করতে হবে । সৃষ্টিচক্রের সময়কাল এখন সম্পূর্ণ হয়ে এসেছে । সব আত্মারা এখন উপস্থিত হয়েছে , বাবাও এসে গেছেন । প্রত্যেককে নিজের পাট প্লে করতে হবে । নাটকে স্টেজের উপর সব আত্মারা এক সময়ে আসতে পারেনা ; তারা তাদের নিজস্ব সময়ে আসে । বাবা তোমাদের বুদ্ধিতে দেন শ্রেষ্ঠত্বের নশ্বর অনুযায়ী কিভাবে তোমরা নীচে আস । বর্ণেরও রহস্য বুদ্ধিতে দিয়েছেন । উচ্চ শিখা ব্রাহ্মণের, কিন্তু কে ব্রাহ্মণদের তৈরী করেছেন ? শূদ্ররা তো তাদের রচনা করেনি ! সর্বোচ্চ শিখরে ব্রাহ্মণদের বাবা ব্রহ্মা, ব্রহ্মার বাবা শিববাবা । সুতরাং, তোমরা হলে শিবকুলের, ব্রহ্মা মুখ-বংশাবলী বংশধর । তোমরা ব্রাহ্মণরা আবারও তারপরে দেবী-দেবতা হবে । বংশের হিসেবও বোঝাতে হবে । তোমাদের বাচ্চাদের পরামর্শ দেওয়া হয়ে থাকে কিন্তু সব বাচ্চা এক সমান তীক্ষ্ণ বুদ্ধির হয়না । নতুন কারও সামনে যদি বিদ্বান বা পণ্ডিত ডিবেট করতে শুরু করে তবে সে বোঝাতে পারবেনা । তখন তোমাদের বলা উচিত আমি এখনও নতুন, আপনি পরে অন্য টাইমে আসুন আমার বড় দিদি আপনাকে বুদ্ধিতে দেবেন । তিনি আমার থেকে তীক্ষ্ণ বুদ্ধিসম্পন্ন । ক্লাসে প্রত্যেকের নশ্বরে কম বেশী থাকে অর্থাৎ ভালো-মন্দ উভয় পড়ুয়াই থাকে । সেক্ষেত্রে কোনও দেহ-অভিমান থাকা উচিত নয় । তা নাহলে তোমার সম্মান ক্ষুণ্ণ হবে । তারা বলে, বি. কে -রা ভালোভাবে বোঝাতে পারেনা । দেহ-অভিমান ছেড়ে তোমাদের সেইরকম বড় কাউকে রেফার করা উচিত । বাবাও বলেন, আমি উপরের কাউকেই জিপ্তোস করব । মহারথী, ঘোড়সওয়ার, পেয়াদা হয়, তাই না ! আবার কেউ সিংহের উপরেও সওয়ার । *সিংহ সবচেয়ে তেজী । জঙ্গলে একা থাকে আর হাতি দলবদ্ধ হয়ে থাকে । যদি তারা একা থাকে তবে কেউ মেরে ফেলতে পারে । তারা সিংহের ওপর শক্তিকে সওয়ার (আরোহী) দেখিয়েছে* । তোমাদের অর্থাৎ বাচ্চাদের বোঝানো হয়েছে গীতার ভগবান কৃষ্ণ বলা রং (wrong) । অন্যান্য ধর্মাবলম্বীরা কৃষ্ণের শাস্ত্র মানবে না । প্রাচীন দেবীদেবতা ধর্ম কে স্থাপন করেছেন তা তোমাদের প্রমাণ করে বলতে হবে । তাঁদেরও গড গডেস্ বলা হয়ে থাকে । ঈশ্বর আলাদা । লক্ষ্মী-নারায়ণকে, ভগবতী-ভগবান বলা হয়, তাঁরা পালনার নিমিত্ত হন । যদি লক্ষ্মী-নারায়ণকে ভগবান ভগবতী বলা হয় তবে বিষ্ণু এবং শংকরকেও ভগবান বলতে হয় । তোমরা জানো, ভগবান ছাড়া গীতা অন্য কেউ বলতে পারেনা । এই গীতা ভগবানের মুখ দ্বারা গাওয়া হয়েছে । শ্রী শ্রী রুদ্রের গীতা । কেউই বলতে পারেনা, এই গীতা তার মুখ নিঃসৃত । শিববাবা ব্যতীত অন্য কারও মুখ দিয়ে গীতা আসতে পারেনা । গীতা মা এবং তার রচয়িতা শিববাবা, তিনি এখানে বসে ওরালি (মৌখিক ভাবে, orally) বোঝান । তিনি জ্ঞানের সাগর । সুতরাং, একমাত্র রচয়িতা তাঁর রচনার নলেজ দিতে পারেন । এইজন্য ঋষি মুনিও বলেন, ঈশ্বর অন্তহীন । ঈশ্বরের গতিবিধি ঈশ্বরই জানেন । ঈশ্বরের নির্দেশাবলীই হলো শ্রীমত্; যার অনুসরণে সদগতি প্রাপ্ত হয় এবং সেটা ঠিক ! মুক্তির সাথে একসঙ্গে মুক্তির উপায়ও তোমাদের উল্লেখ করতে হবে কারণ, ভারতে যখন স্বর্গ ছিল তখন অন্যান্য ধর্মের সকলে মুক্তিতে ছিল; আর ভারতবাসী ছিল জীবনমুক্তিতে । এই সব রহস্য বাবা বুদ্ধিতে দেন যা তোমাদের ধারণ করতে হবে । ভক্তিমার্গের মানুষ বলে বেদ শাস্ত্র ইত্যাদির মধ্য দিয়েই তোমরা ঈশ্বরকে খুঁজে পাওয়ার রাস্তা পেয়ে যাবে । যাই হোক, এটা সেরকম হয়না । *এটা সিমলার পাহাড় নয়, যে-কোনও পথ ধরে গেলেই তোমরা চূড়ায় পৌঁছে যাবে । এখানে সাজনকে সজনীদের কাছে আসতেই হয় । স্বর্গের মালিক বানানোর জন্য সজনীদের শৃঙ্গার করতে হয়*

। সবাই মহারাজা মহারানী হতে চায়, কিন্তু বাবা বলেন, সর্বাগ্রে নিজেদের মুখের দিকে দেখ । নারদের গল্প এই সময়ের, সে লক্ষ্মীকে বিবাহ করতে চেয়েছিল কিন্তু তাকে বলা হয় সর্বপ্রথম নিজের মুখ দেখ । বাবাও বলেন, তোমার হৃদয়ের আয়নায় চেয়ে দেখ । কামের অশুভ শক্তি আসে কি আসেনা ? অনবরত পরীক্ষা করো আর অন্যান্য অশুভ শক্তিকে সরানোর প্রযত্ন করো । বাবা সর্বদা তোমাদের কার্যাদি সাধনের ধরণ দেখিয়ে দেন । মনে নানা প্রকারের সংকল্প আসবে, কিন্তু সেসব কর্মে আসা উচিত নয় । ভালো কর্ম কিভাবে করতে হয় বাবা তোমাদের শিখিয়ে দেন । কর্ম - অকর্ম-বিকর্মের জ্ঞান গীতায় উল্লেখ করা হয়েছে । অন্য কেউ এইসব জানেনা । মায়া তোমাদের বিকর্ম করায়, সত্যযুগে তার কোনও অস্তিত্ব থাকেনা । এখন শুধুমাত্র শ্রীমত অনুসরণ করে তোমরা স্বর্গে যেতে পারো । এই শ্রীমত কোনও মানুষের নয় । বাবার শ্রীমত দ্বারাই স্বর্গের রচনা হয় । অন্যের মত দ্বারা স্বর্গের অধিবাসী হওয়া যায়না বরং আরও ভ্রষ্ট হয়ে যাবে । তোমরা বাচ্চারা জানো, এখন এক ধর্মের স্থাপনা হচ্ছে । তোমরা যোগবলের দ্বারা গুপ্ত পথে নিজেদের রাজধানী স্থাপন করছ । তোমাদের হাতে অস্ত্র ইত্যাদি কিছু নেই । তোমাদের জ্ঞানের তীরধনু আছে । কিন্তু তারা স্থূলভাবে দেখিয়েছে । এই সবই গুপ্ত শক্তি । দেখ, কত শক্তির পূজা হয় ! ১০-২০ ভুজসহ কেউ হয় না । সবার দুই ভুজা । মানুষ সৃষ্টিতে ৮- ১০ হাত সমেত কেউ হতে পারেনা । সূক্ষ্মবতনে বিষ্ণুকে চতুর্ভুজ দেখানো হয়েছে, কিন্তু তা' সম্পূর্ণ অর্থবহ । বীজকে জানলে সমগ্র ঝাড়ের জ্ঞান তোমরা জেনে যাবে । আচ্ছা - তোমরা বাচ্চারা অনবরত জ্ঞানসম্পদ লাভ করছ আবার তোমাদের টোলি দেওয়া হচ্ছে মুখ মিষ্টি করানোর জন্য । শিববাবা নিজে খান না, সব বাচ্চাদের জন্য । এমনকি রাজ্যও তোমাদের বাচ্চাদের জন্যে । লক্ষ্মী-নারায়ণও নিশ্চয়ই তাঁদের বাচ্চাদের দেবেন । তাঁরা প্রত্যেককে ভাগ করে দেননা, কিন্তু বাবা সকলকে ভাগ করে দেন । সেখানে প্রজারাও বলবে যে তারাও স্বর্গের মালিক । প্রজাদেরও সুখ থাকে; সেখানে দুঃখের লেশমাত্র নেই, কিন্তু নশ্বরের ধারাবাহিকতায় শ্রেষ্ঠত্বের আসন লাভ হয় । সেখানে অফুরন্ত সোনা থাকে । এখানে সব খনি খালি হয়ে গেছে । গায়নও আছে, কার ধনসম্পদ মাটির ধুলোয় মিশে যায় আর কার ধন ঐশ্বর্য সরকারের হস্তগত হয়! আচ্ছা -

মিষ্টি-মিষ্টি হারানিধি (সিকীলধে) বাচ্চাদের প্রতি মাতাপিতা বাপদাদার স্মরণ- স্নেহ আর নমস্কার । মাতাদের বন্দে মাতরম্ । বাচ্চাদের স্মরণ-স্নেহ আর সবাইকে গুড মর্নিং । এখন রাত সম্পূর্ণ হয়ে এসেছে, গুড মর্নিং-এর উদয় আলো দেখা যাচ্ছে । নবযুগের সূচনা হচ্ছে ব্রহ্মাকুমার-কুমারীদের জন্য । আচ্ছা । ওম্ শান্তি ।

ধারণার জন্য মুখ্য সারঃ --

- ১) দেহ-অভিমান ছেড়ে বড়দের সামনে রাখতে হবে । কেউ ডিবেট করলে বড়দের কাছে রেফার করতে হবে । সম্মানহানি হতে দেওয়া যাবে না ।
- ২) চ্যারিটি বিগিন্স অ্যাট হোম । সর্বাগ্রে তোমাদের পরিবারের কল্যাণ করতে হবে, গৃহস্থ ব্যবহারে থেকে কমল ফুলসম পবিত্র হতে হবে ।

বরদানঃ- ব্রাহ্মণ জীবনে কম খরচের দ্বারা মহিমান্বিত বিজয়-গৌরব লাভ করে অলৌকিকতা সম্পন্ন ভব

এই অলৌকিক ব্রাহ্মণ জীবনের বিশেষ শ্লোগান হলো, "কম খরচের মাধ্যমে মহান বিজয়ের গৌরব লাভ " । খরচ কম হোক কিন্তু প্রাপ্তিতে উজ্জ্বলতার বিকাশ থাকা চাই অর্থাৎ রেজাল্ট সবচেয়ে ভালো হতে হবে । অলৌকিকতাসম্পন্ন তখনই বলা যাবে যখন কথায়, কর্মে শক্তি কম খরচ হবে । অল্প সময়ে বেশী কাজ হবে, কথা কম, অথচ সুস্পষ্ট হতে হবে, সংকল্প কম হোক কিন্তু শক্তিশালী হওয়া চাই - একেই বলা হয় কম খরচে গৌরবান্বিত বিজয়-লাভ । যারা তাদের ধনভাণ্ডার কম খরচ করে তাদের ভাণ্ডার ভরপুর হয়ে যায় ।

শ্লোগান:- বাবা এবং সেবার প্রতি সত্যকার ভালোবাসা থাকলে পরিবারের ভালোবাসা স্বতঃ প্রাপ্ত হয় ।